

SINLAI 8: 1 Kor. 11:1-16

THUPI

Khristian Biakna

TANGVOM: 11:1

*Hon enzuite hi un, kei leng
Khrist enzuipa ka hih mah
bang in.*



TUNI SINLAI DING: 1 KOR. 11:1-16

- 1. Hon enzuite hi un, kei leng Khrist enzuipa ka hih mah bang in.*
- 2. Huan bangkim a na hon theih gige ziak un leh thukhak ka hon hilh bang a na vom tinten ziak un ka hon phat ahi.*
- 3. Himahleh pasal peuhmah lutang Khrist ahi, numei lutang pasal ahi, Khrist lutang Pathian ahi chih na theih uh ka deih hi.*
- 4. Pasal a lukhuh kawm a thum hiam, thugen hiam peuhmah in, a lu a selphou hi.*
- 5. Himahleh numei a lu khuhlou a thum hiam, thugen hiam peuhmah in a lu a selphou ahi; metmai toh kibang ahi.*
- 6. Numei a lu khuhlou a a om ngal leh met vanglak hen. Himahleh numei a ding a sam met leh metmai a zumhuai leh a lu khuh hen.*

TUNI SINLAI DING: 1 KOR. 11:1-16

7. Pasaŋ zaw Pathian batpih leh thupina a hihziak in a lu a khuh ding hilou himhim ahi; numei bel pasala thupina ahi. **8.** Pasaŋ numei a kipan pawt ahi kei a; numei bel pasala kipan pawt ahi zaw hi: **9.** Pasaŋ numei a dia siam ahi kei a; numei bel pasala adia siam a hi zaw hi: **10.** Huaiziak in, angelte ziaŋ in numei in pasala thuneihna chiamtehna a khuk ding ahi. **11.** Himahleh Toupa thilgeldan ah, numei pasala lou in a om theikei a, pasala leng numei lou in a omthei sam kei hi. **12.** Numei, pasala kipan a pawt ahih bang in, pasala leng numei lak a piang ahi ngal a; himahleh bangkim Pathian a kipan a pawtvek ahi.

TUNI SINLAI DING: 1 KOR. 11:1-16

13. Noumau kingaihtuah dih ua, numei in a lu khuhlou a Pathian kiang a thum a kilawm hiam? **14.** Pasal in samsau a neih leh amah a ding in a zumhuai ahi chih na lungtang pianpih un leng a hon theisak kei a hia? **15.** Numei in bel samsau a neih leh amah a ding in thupina ahi zaw; kikhuhna ding a a sam piak ahih ziak in. **16.** Himahleh mi kuahiam hiai thu a a genhak leh huchi bang paidan himhim I neikei uh, Pathian saptuam pawlte'n leng a nei sam kei hi.

ETKIKNA & ETLAWKNA

SINLAI 7 *etkikna:*

Khristian zalenna zatdan dik:

- Midangte poimoh zaw a koih ding.
- Pathian a masapen a koih ding.

SINLAI 8 *etlawkna:*

Khristian biakna:

Sinlai 7 natan a nek-le-tak toh kisai sinsakna I zoh nung in, Khristian biakna mun a numei leh pasal dinmun leh om dingdan hong kigentou nawn hi.

I. KHRIST ETZUI DING AHI: 1-3

V. 1-3 sung ah saptuamte leh Paul kizopna chiangtak in kilang hi.

1. *Hon enzuite hi un, kei leng Khrist enzuipa ka hih mah bang in.*

- **Saptuamte thupia hi:** *“Hon enzuite hi un”* mimic (in Eng.)

- Kitheihchetna genkha mahmah hi.

- Paul in ama utdan tak a om hilou a, Khrist enzui a hing ahihdan gen ngam hi.

- Saptuamte'n Khrist a etton ding uh deih a, *“kei hon enton le uchin, Khrist enton kha himai ding nahi uh – ken Khrist enton ka hih man in”* a chihna ahi.

I. KHRIST ETZUI DING AHI: 1-3

2. *Huan bangkim a na hon theih gige ziak un leh thukhak ka hon hilh bang a na vom tinten ziak un ka hon phat ahi.*

- **Saptuamte phat hi:** *Phatna ziak nihte*

1. *“Bangkim a na hon theih gige ziak un”*

- Hoihlouhna tampi nei mahle uh Korinth saptuamte'n Paul phawk in zahtak ua, a sawltak hihna pom in dotpen in nei uhi.

2. *“Thukhak ka hon hilh na vom tinten ziak un”*

- A Thu zuih lam a hatna uh hi hetkei mahleh, Korinth saptuamten Paul in sawltak hihna toh a thukhahte vom tinten uhi.

I. KHRIST ETZUI DING AHI: 1-3

3. *Himahleh pasal peuhmah lutang Khrist ahi, numei lutang pasal ahi, Khrist lutang Pathian ahi chih na theih uh ka deih hi.*

- **Pathian leh mihing kizopna dan sinsak hi:**

“Himahleh:” Pahtakna thu a genkhit a thuhilhna lam a heikhiakna ahi. Phat mahleh thuhilh ngamlou tuanlou hi.

- Biakna toh kisai a numei-pasal dinmun Toupa’n a lepkhitsa toh kisai ana buaipih mahmah uh hiding hi.

- v.3na ah **“Lutang”** chih 3 veitak kimu hi.

- **“Lutang” bang genna:** *gendan tuamtuan*

- Taksa a lutang mah mah genna: **lutang hihna**

I. KHRIST ETZUI DING AHI: 1-3

Pathian geelsa kizopna sinsakna:

1. Pasal lutang Khrist ahi.

2. Numeite lutang pasal ahi.

- **Numei & pasal kibatna:** Pathian mitmuh a manphatna, khuak pilna, thilhihtheihna leh khamitna, etc.
- **Numei & pasal kibatlouhna:** thuneihna leh mohpuakna ah.

3. Khrist lutang Pathian ahi.

- Khrist leh Pathian-khat ahi uh.
- Himahleh Khrist kisuk-awngthawl na ziak in Pathian thu in om hi.

II. PATHIAN BIAK DING DAN: 4-10

4. Pasa a lukhuh kawm a thum hiam, thugen hiam peuhmah in, a lu a selphou hi.

v.3 a kibulphuh kawm in v.4 apan biakna a numei-pasal omding dan thuhilhna hon pan hi.

- **“Thum – Thugen:”** biakna genna ahi.
- **Biakna mun ah:**

1. Pasa in lu khuhlouh ding:

- Veil zang a lukhuh hiam samsau genna hithei tuaktuak hi.
- **Chindan tuamtuan:** Judate leh Romte’n biakna ah lukhuh uh a, Greek ten khuhlou uhi. Mualphouna a gen omlou hi.

II. PATHIAN BIAK DING DAN: 4-10

- Romte leh Greek ten mualphouna leh lusuunna etsakna in lukhuh leuleu uhi.
- Paul hunlai in Khristian pasalte'n biakna hun ah lukhuh lou uhi.

Achihleh bangziak a lukhuh louh ding chi ahi dia?

- **Huai hunlai in:** *"Pasal samsau tuh zek kibang lunggulhte genna ahi a, a sau zawlai a hawi pen numei bang ding a kizepna ahi"* – Murphy O' Connor
- Theology thuktak sang ale *ngaihdan diklou* (wrong message) pekha thei chih ziak a gingu pasalte kiven ding chih hizaw ding hi.

II. PATHIAN BIAK DING DAN: 4-10

5. Himahleh numei a lu khuhlou a thum hiam, thugen hiam peuhmah in a lu a selphou ahi; metmai toh kibang ahi. 6. Numei a lu khuhlou a a om ngal leh met vanglak hen. Himahleh numei a ding a sam met leh metmai a zumhuai leh a lu khuh hen.

2. Numei in lukhuh ding: bangziak in?

- **Judate Tamud** in numei sam metgiaute melse petmah (*extremely ugly*) in chiamteh hi.
- **Chrysostom**: numei angkawm a mohpaih a omte sam metgiau sak a om in, kizuak a chiamteh in om uh, ana chi hi.
- **Aristophanes**: ta thumang lou suang nupi in a sam a metgiau ding ahi, ana chi hi.

II. PATHIAN BIAK DING DAN: 4-10

Huai hunlai a biakna ah:

- **Korinth numei ten lukhuh uhi:** a pasalte uleh Pathian mai a thunuaikutna taklatna in.

Tu hun in:

- **Middle East a gam tamtak ah numei ten lukhuh lai uhi:** a taksa kilawmna te uleh etlahhuainate midang apan kemit a a pasal uh adia siangthou tupna in.

- **Bangziak a numeite'n lukhuh ding?** *Cultural aspect*

Paul in hih ngeilouh thuthak sawmpih hilou in, a hun toh kituak tawndan pailen pen mah zahtak a omdan kilawm hasuan hizaw hi.

Huchia na om *utkei vanglak uleh* lah...*metgiau vanglak...or khuh.*

II. PATHIAN BIAK DING DAN: 4-10

7. *Pasal zaw Pathian batpih leh thupina a hihziak in a lu a khuh ding hilou himhim ahi; numei bel pasal thupina ahi.* **8.** *Pasal numei a kipan pawt ahi kei a; numei bel pasal a kipan pawt ahi zaw hi:* **9.** *Pasal numei a dia siam ahi kei a; numei bel pasal adia siam a hi zaw hi:* **10.** *Huaiziak in, angelte ziak in numei in pasal thuneihna chiamtehna a khuk ding ahi.*

Lukhuh/khuhlouh ding ziak toh kisai **cultural aspect** | genzoh in, huaisang a poimoh zaw a ziak: **Pathian in hon siamdan** (*created order*) ahihziak ahihdan | ensuk lai ding hi.

II. PATHIAN BIAK DING DAN: 4-10

PASAL LUKHUH LOUH DI ZIAK

1. Pathian batpih leh thupina ahih man in.

DINMUN AH:

- Numei a kipan pawt hilou.
- Numei adia siam hilou.

IMPLICATION:

Zahtakhuai tak a a om ding ahi.

NUMEI LUKHUH DI ZIAK

1. Numei pen pasal thupina ahih man in.

DINMUN AH:

- Pasal a kipan pawt ahi.
- Pasal adia siam ahi.

IMPLICATION:

Thunuailut tak a a om ding ahi.

II. PATHIAN BIAK DING DAN: 4-10

10. *Huaiziak in, angelte ziak in numei in pasal thuneihna chiamtehna a khuk ding ahi.*

- **Hiai bangchihna ahi dia le?**

- Angelte thunuilut tak a Pathian deihdan semte ahi uh.
- Siamchilna hun a kipan Pathian thilgelte theihpihtu ahi uh.
- Pathian thilsiam te Pathian deihdan in a om na uhia chih enkhetute ahi uh.

Huaiziak in, numei a pasal mai a kituklut Chiang in (lukhuh), Pathian in a dinmun dia a sehkholsa zahtak a Pathian deihdan a om ahihdan Pathian leh angelte mai a taklang ahi.

III. PATHIAN TOH KIZOPNA: 11-16

11. *Himahleh Toupa thilgeldan ah, numei pasal lou in a om theikei a, pasal leng numei lou in a omthei sam kei hi.* **12.** *Numei, pasal a kipan a pawt ahih bang in, pasal leng numei lak a piang ahi ngal a; himahleh bangkim Pathian a kipan a pawtvek ahi.*

- **“Himahleh:”** Tutan ah numei leh pasal kibatlouhna lam ki gensuk suk mahleh hiai a kipan in Toupa thilgeldan a a kikumna lam uh hon gensuk nawn hi.

1. Numei leh pasal kipoimoh tuah ihi.

- Function leh responsibility kibang kei mahleh, worth leh poimohna kibang ahi.

III. PATHIAN TOH KIZOPNA: 11-16

1. Numei leh pasal kipoimoh tuah ihi.

- Feminists ten tuni a I sinlai khawng pansan in Laisiangthou pen anti-woman ahi chi uhi. A dikna hia?

Huai hunlai in:

- *Greco-Roman khovel ah numeite dinmun niam*: suakte sang a dinmun sangzaw deuh nei; pasal te neih-le-lam lel; sumdawnna.
- *Judate lakah a dinmun uh niam*: pasalte'n a ut hunhun un ma thei uhi. Kipahna: suak a pianglou, Jentel hilou, numei hilou.
- *Hiai bang khovel a Laisiangthou sinsakna*: counter-cultural
- Manphatdan leh poimohdan kikim.

III. PATHIAN TOH KIZOPNA: 11-16

2. Pathian kipatna a neituak ihi.

- Numei, pasal a kipan a pawt: *lakkhiak*
- Pasal, numei a kipan a piang: *piangkhia*

Pasal lou a numei omlou ding; numei lou a pasal omlou ding.

Himahleh amaute kipatna kibang: **Pathian ahi.**

III. PATHIAN TOH KIZOPNA: 11-16

13. *Noumau kingaihtuah dih ua, numei in a lu khuhlou a Pathian kiang a thum a kilawm hiam?* **14.** *Pasal in samsau a neih leh amah a ding in a zumhuai ahi chih na lungtang pianpih un leng a hon theisak kei a hia?*

An appeal to the natural order of creation:

- **Kingaihtuah dih ua:** Tounpa honpiak ngaihtuahna zang in *thukhenna* bawl un.
- **Lungtang pianpih uh zang un:** Tounpa honpiak na sia-le-pha theihna uh zang in ngaihtuah un.
 1. Biakna a numei in lukhuh louh a kilawm hia?
 2. Pasal in samsau a neih a kilawm hia?

III. PATHIAN TOH KIZOPNA: 11-16

15. *Numei in bel samsau a neih leh amah a ding in thupina ahi zaw; kikhuhna ding a a sam piak ahih ziak in.*

Numei thupina: samsau (kome)

- **“Samsau:”**
 - Laisiangthou in bangtan a saute samsau chi hiam chih genchian lou hi.
 - Himahleh mihingte leh angelte natan in a gal a kipan etlel a leng numei ahih theihchet na ding khop gen bel hi peuhmah ding hi.
- **“Kome:”** samsau + hoihtak a puah (genkhawm hi).

III. PATHIAN TOH KIZOPNA: 11-16

16. *Himahleh mi kuahiam hiai thu a a genhak leh huchi bang paidan himhim I neikei uh, Pathian saptuam pawlte'n leng a nei sam kei hi.*

Hiai bang a genna ahia le? A tunglam a a gente poimoh salou thak ahi diam?

- **Theology to die for? No!**

Pathian deihdan pen Chiang mahmah hi. Himahleh ngaihdan kibanglou a saptuam liam leh bah a a om sang in, hiai thuhilhate kiphutluh hikei hen, chihna ahi.

THUKHITNA

- Hoihlouhna tampi neite ihih lai in, I hoihna sunte khawng kimutuah in iki phat zel sam hia?
- I hoihlouhnate khawng itna ziak in ikihilh tuah ngam hia?
- Korinthte bang a a thu theih a theih thoh, lah zuilou ihi kha hia?
- Pathian geeldan zuih khawng vuallelhhuai in I ngaihtuah kha hia?
- Saptuam chidamna ding in ei mimal deihdan khawng I koihdap ngam hia?